



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

XVI. Ius patronatus annexum est spirituali, & ideo non potest vendi.

urn:nbn:de:hbz:466:1-15588

ipsius voluntate & consensu , per violentiam occupaue-
runt , & eas iniuste occupatas detinent. Quia igitur no-
strum interest , quæ nimis inordinate ab aliquibus super
ecclesiis attentantur , ad rectitudinis tramitem reuocare:
fraternitati tuæ , &c. quatenus rei veritate diligenter in-
quisita & cognita , si ita sicut dictum est , cognoueris me-
moratos presbyteros earum ecclesiarum detentores , mo-
neas , modisque omnibus inducas , vt easdem ecclesias pra-
dicto clero sine mora & difficultate restituant libere &
pacifice ordinandas , & nullam ei exinde molestiam infe-
rant vel grauamen. Quod si prædicti presbyteri commo-
nitioni tuæ acquiescere forte noluerint , tu ipsos excom-
municationi , & terras si quas habent , omni occasione &
appellatione cessante , interdicto subiicias , & in memor-
atis ecclesiis diuina facias cessare officia , quamdiu ab ali-
quibus , prædictorum militum auctoritate , occupatae de-
tinebuntur ; quod si nec sic earumdem ecclesiarum deten-
tores resipuerint , ipsos , appellatione cessante , ecclesiasti-
ca censura compellas.

C A P . X V . *Idem.*

Consuluit nos tua fraternitas , quid tibi faciendum sit
de clericis , qui ecclesiæ a parentibus constitutas , heredi-
tario iure sibi vendicant , nec tibi volunt respondere : & de
laicis , qui filiis vel nepotibus suis prædictas ecclesiæ dare
nituntur. Cum autem sanctuarium Dei hereditario iure
non possit teneri , & indignum sit penitus & absurdum , vt
quilibet auctoritate propria ecclesiæ occupet , veltaliter
occupatas detineat , nec te decet aliquatenus sustinere , vt
in episcopatu tuo vel clerici ecclesiæ a parentibus funda-
tas , auctoritate propria detineant , aut laici filiis , vel ali-
quibus aliis ecclesiæ concedant.

C A P . X VI . *Idem VVintoniensi episcopo.*

Ad aures nostras peruenit , quod R. & Vu. de Hortun
ius patronatus eiusdem loci ab eo , ad quem spectabat præ-
sentatio , emerunt. Quibus decadentibus , R. filius Vu. iam
dicti patris exemplo ius patronatus ecclesiæ emere non
dubitauit , & canonicis de Stodleia tantas molestias intu-
lit , persecutions & grauamina , quod metu & dolo illius

ANNO CHRISTI
1179. seducti, iuri suo penitus renuntiauerunt. Vnde cum ius

Ius patro-
natus anne-
xu esse spi-
rituali.

patronatus annexum fit spirituali, nemini licitum est vendere illud. Discretioni tuae, &c. quatenus vtraque parte ante te conuocata, rei veritatem diligentius inquiras, & si ita esse inuenieris, prædicto R. super patronatu ecclesiae, occasione & appellatione remota, perpetuum silentium imponas, & prædictis canoniciis ius quod ibi habebant, si prior eorum metu captus, quod idem R. se abscissurum fide * nititur, firmauit, eidem renuntiauit, integre facias restitui, non obstantibus literis nostris, si quæ sunt, tacita veritate, impetratae.

CAP. XVII. *Idem.*

De iure vero patronatus in præscripta ecclesia, hoc tuae discretioni mandamus, quatenus si prædictus R. ius patronatus comparauit, cum hoc inconueniens sit & penitus inhonestum, vendi ius patronatus: contractum illum, sublato appellationis remedio, apostolica fretus auctoritate, non differas reuocare.

CAP. XVIII. *Idem.*

Nullus laicus decimas aut ecclesiam, aut quidquid ecclesiastici iuris est, sine concessione sui pontificis, nec monasteriis, nec canoniciis offerat: & si quis episcopus improbitatis causæ & auaritiae consentire voluerit, Romano pontifici nuntietur, & quod offerendum est, tunc eis licentia offeratur.

CAP. XIX. *Idem Norwicensi episcopo.*

Ceterum si episcopi post promotionem suam præsentationes personarum ad ecclesias a patronis ecclesiarum pro ecclesias sibi commissis adepti fuerint, personæ idoneæ, quas ad eas vacantes præsentauerint, sunt admittendæ.

CAP. XX.

Idem abbati sancti Albani. Pars capituli: Inconsultum.

De cetero si quis clericus ab ordinario iudice in aliqua ecclesia fuerit institutus, ad præsentationem ipsius qui eiusdem ecclesiae credebatur patronus, & postea ius patronatus alius euicerit in iudicio: clericus qui institutus

Cum certū
non esset,
ipsum illici-
te occupa-
te patrona-
tum; alio-
qui fecus
cit.